

Kalaallit Nunnaanni Inatsisartut  
Inatsisartut Inuussutissarsiornermut Ataatsimitaliaat

Grønlands Landsting  
Landstingets Erhvervsudvalg

Inuussutissarsiornermut, Suliffeqarnermut  
Inuussutissarsiutinullu Ilinniartitaanernut Naalakkersuisoq  
/maani

**UKA 2007/47 (Imermik pilersuineq pillugu inatsisartut peqqussutissaattut siunnersuut) aammalu UKA 2007/48 (Nukimmik pilersuineq pillugu inatsisartut peqqussutaata allanngortinneqarneranik inatsisartut peqqussutissaattut siunnersuut)** 1. oktober 2007

Sags.nr.  
01.31

Ullormut oqaluuserisassani immikkoortut siuliani taaneqartut Inatsisartut Inuussutissarsiornermut Ataatsimiititaliaanni sukumiisumik oqaluuserineqartussatut innersuuneqartut Inatsisartut ulloq 28. september 2007-imi oqaluuseraat. Siunnersuutit tamarmik Inatsisartunit tigulluarneqarput, Kattusseqatigiilli Partiiat UKA 2007/48-mut akuersaanngilaq. Tamatumunnga peqatigitillugu partiit oqaaseqartartui suliamut tunngassuteqartunik arlalinnik apeqquteqaateqarput, inaarutaarutaasumik isummerfiginnginnerini naalakkersuisoqarfimmit naammaginatsumik akissuteqarfigineqarnikkut taakku ersaqissarneqarnissaat Inuussutissarsiornermut Ataatsimiititaliamit kissaatigineqarluni.

Kalaallit Nunnaanni  
Inatsisartut /  
Grønlands Landsting  
Postboks 1060  
3900 Nuuk  
Oq/tel +299 34 50 00  
Fax +299 32 46 06  
Landstinget@gh.gl  
www.nanoq.gl

Apeqqutit ammasut annerpaartaat attaviligaanermut akileeqataassutip atuutsinneqalernissaanut attuumassuteqarput, tak. imermik pilersuineq pillugu peqqussummi § 11 kiisalu nukimmik pilersuineq pillugu peqqussummi § 20 a.

- 1) Siunnersuutit inuussutissarsiortunut aningaasalersuinikkut qanoq nammakkiitigisanersut annertuumik nalornissutigineqarpoq. Inatsisissatut peqqussutissatullu siunnersuutinin suliarinninnermi inuussutissarsiortunut aningaasaqarnikkut allaffisornikkullu kingunerisassat naatsorsornissaannut inatsimmullu nassuiaatini tamanna pillugu aalajangersimasumik paasissutissiinissaminnut Naalakkersuisut pisusaatitaapput. Aalajangersimasumik naatsorsuinissamut periarfissaqanngippat misilittakkat tunngavigalugit missingiisoqassaaq, assersuutigalugu suliassaqarfimmi ukiumi arlalinni sanaartornermut aningaasartuutit agguaqatigiissillugu atorneqartut tunngavigalugit. Oqalugiaatissanik aalajangersimasunik saqqummiusseqqullugu Inuussutissarsiornermut, Suliffeqarnermut Inuussutissarsiutinullu Ilinniartitaanernut Naalakkersuisoq maanna qinnuigineqarpoq, inatsisissatut suliniutit inuussutissarsiortunut aningaasartuutitassai erseqinnerusumik missingerneqarsinnaanngitsut Inuussutissarsiornermut Ataatsimiititaliamit taperseruminaatsinneqarnerat pissutigalugu.
- 2) Attaviligaanermut akileeqataassutit annertussusissaat Naalakkersuisunit qanoq naatsorsorneqalersaarneqarnerneq, tassunga ilanngullugu akileqquneqartut nalaa-tsortoqqunagit assigiiaartumik naatsorsueriaatsimik qanoq qulakkeeriniarnersut pillugu peqqussutip oqaasertaani inatsimmulluunniit nassuiaatini aalajangersimasumik paasissutissiisoqanngilaq. Taamaattumik makku akissuteqarfigineqarnissaat kissaatigineqarpoq:

- a) Attaviligaanermut akileeqataassutitut aningaasartuutit attaviligaanermullu akileeqataassutit sunik matussusiinissaannik Naalakkersuisut naatsorsuinerannut aningaasartuutit sorliit ilaatinneqassappat? Assersuutigalugu allaffisornermut aningaasartuutit ilanngunneqassappat, taamaassappallu sorliit?
  - b) Attaviligaanermut akileeqataassutit attaviligaanermut aningaasartuutaasut taamaasa imaluunniit taakku procentiisa ilaat matussusissavai?
  - c) Attaviligaanermut akileeqataassutit pisarnertut naatsorsorneqartarnera pisuni aalajangersimasuni suliffeqarfimmut naammaginngitsumik ernumanartortaqrat immikkut akuersissuteqarnissamut periarfissaqassava?
- 3) Attaviligaanermut akileeqataassutit kukkusumik naammaginngitsumilluunniit naatsorsorneqarsinnaaneranut suliffeqarfiit inatsisitigut illersorneqarnissaat Naalakkersuisut qanoq qulakkeernialersaarpaat?
- 4) Nukissiorfiit, aamma aktiaateqarluni ingerlatseqatigiiffingorsinnaanerata kingorna, attaviligaanermut akileeqataassutit akileeqqusisinnaatitaanerata attatiinneqarnissaa siunertarineqarpa? Nammakkiissutaasumik aalajangiinerit taamaattut aktiaateqarluni ingerlatseqatigiiffinnut namminersortunut allanut il.il. inatsisitigut pitutugaalluni atuuttussamik aktiaateqarluni ingerlatseqatigiiffiit namminersortut aalajangiisinnaatitaanerata Naalakkersuisunit toqqissisimanartinneqarpa?
- 5) Aningaasaliinissamut aalajangiisoqannginnerani attaviligaanermut akileeqataassutit annertussusia pillugu suliffeqarfiit siumoortumik nalunaarfigineqarsinnaatitaassappat? Taamaattoqanngippat aningaasaliinermi aningaasaqarnikkut kingunerissat suliffeqarfiit paasiuminaatseratarsinnaavaat. Taamaassappat suliffeqarfik aningaasaliiniermum siumoortumik taamaatitsiinnarneranik tamanna kinguneqarsinnaassaaq.

Aammattaq pingaartumik imermik pilersuineq pillugu peqqussummut (UKA 2007/47) atatillugu makku apeqqutigineqarput:

- 6) Erngup pitsaassusissaata peqqussummi ilaatinneqannginneranut suna tunngavigneqarpa? Pilersuisussaataaneranut apeqqummi erngup pitsaassusissaanut pisusaatitaaffik immikkut sammineqanngitsoq ersarippoq.
- 7) Imermik pilersuineq pillugu peqqussummi §§ 8-10 malillugit imermik pilersuisoqarfiit akigititaasa kiisalu tunisineri pilersuinissamut piunasaqaatit nakkutigilluarnissannut iluarsiivigisarnissaannullu Naalakkersuisut imminnut piginnaatippat. Imermik pilersuisoqarfiit akigititanik kiisalu tunisineri pilersuinissamut piunasaqaatinik aalajangersaanissamut niuernerimik tunngaveqartumik piginnaatitaanerisa akueriuminaatsumik akuleruffigineqarsinnaaneranut inatsisitigut naammaginartumik illersorneqarnissaat Naalakkersuisut qanoq qulakkeernialersaarpaat?

Naggataatigut Inuussutissarsornermut Ataatsimiititaliap makku pillugit paasissutissinneqarnissani kissaatigaa:

- 8) Peqqussutissatut siunnersuutit taakku marluk Nukissiorfinnut, taassumalu aktiaateqarluni ingerlatseqatigiiffingortinneqarsinnaaneranut pitsaasumik pitsaanngitsumillu qanoq kinguneqarnissaat Naalakkersuisut naatsorsuutigaat?
- 9) Nukissiorfiit kisermaassisutut inissisimanerannut peqqussutissatut siunnersuutit taakku marluk qanoq kinguneqassanersut Naalakkersuisut naatsorsuutigaat?

Imerk nukimillu pilersuinerup qanoq annertutigisortaata Nukissiorfimmit kisimi pinnani ingerlatsisunit allanit siunissami isumagineqarsinnaanera naatsorsuutigineqarpa (nukissiornermik atorluaalluni suliffissuarnik nutaanik pilersitsisinaanissaq eqqaassanngikkaanni)?

- 10) Imerk nukimillu pilersuinerup, aningaasartaasa pigisallu nalillit Kalaallit Nunaanni kommuninut tunniunneqarsinnaanerannut Naalackersuisut periarfissaqarsoraat?
- 11) Peqqussutissatut siunnersuutit Inatsisartunit siullermeerneqarnerat tunngavigalugu Naalackersuisut itisiliissutaasunik allanik oqaaseqaatissaqarpat?

Naalackersuisunut ilaasortap akissuteqaataa Inuussutissarsiornermut Ataatsimiititaliamut tunniuteqquneqarpoq kingusinnerpaamik ulloq 10. oktober 2007, nal. 12.00. Akissuteqatip qaraasiakkut allanneqarnera kiisalu ilanngussaasinnaasut ataatsimiititaliap allattoqarfianut nassiuteqquneqarput uunga [skr@gh.gl](mailto:skr@gh.gl).

Inussiarnersumik inuulluaqqusillunga

Ruth Heilmann  
Ataatsimiititaliap siulittaasua